



Carlov
1529

3343



Römischer Kayserlicher

Mayester Einreytten/gen Boloniga

Auch wie sich Päpstliche Hayligkait gegen
seiner Kayserlichen Mayestaten ge-
halten habe zc.



M. D. XXIX.



Mittwoch/ das ist
am driten tag des Monats No-
uembris / Da ist Kayserliche
Mayestätt gen Castel Fran-
co komen mit allē seynem volck/
wie dann hernach gemelt/ vnd
ist. alda beliben bis auff den vier-
ten tag des vorgemeltē Monats/ Darnach ist er mit
seinem hör auff Boloniga zū geruckt/ vñ vmb die vj.
vz zum Pom^o da reyn kommen/ da seind gewesen xxv
Cardinel/ vnd als bald von iren Eseln abgestanden/
vnd seynes May. entgegen gangen/ ein halben püch-
sen schuß weyt/ vnd sein May. empfangenn/ Als nun
Kay. May. das er sehen/ ist er zū Ros still sitzend bli-
ben/ vñ inen groß Reuerenz bewisenn/ Nachmals
seind die Cardinal widerumb auff gesessen/ vnd ha-
ben Kay. May. in ein Closter gefürt/ ein welsch meyl
vonn Boloniga/ ist neben seiner Mayestat geritten
Cardinal/ Anchona/ Cardinal/ Vernese/ da ist Kay.
May. mit all seim zeug vber nacht gelegenn/ Ist nun
auch das selb mal von Boloniga entgegen gerittē/ ob
iiij. tausent zū Ros. Nachmals am freytag/ dz ist am
funften tag Nouembris/ ist sein May. eingeriten / als
hernach volgt.

Nemlich vnd erstlich/ vnd vorher geritten drey hun-
dert Leuchte pferd/ all wol gerüst mit spieß/ vnd harn-
isch/ inn einer farb/ all in wullin flaid geklaydet.
Nach dem selbē hat man gefiert. x. püchsen auff Re-
dern/ darunder ij gang schlangen iiij halb schlangen/
vnd iiij ander felbt geschos/ Nach dem selben geschütz

seind gangē bis in hundert Paurn/3oe gnastatari mit
schauffeln/hacken/graben/zū dem gschütz verordnet
all mit Marieten auß Lorberlaub in henden tragen.
Auff die seind gezogen xiiij. Fenlin teutscher knecht/
so lang zū Mayland vnder de Anthoni de Lena gele-
gen seind/vnd vor in her gezogen/all jr hauptleut/vñ
doppel söldner/zū Ros vast wol erpuzet /Darnach
auff sye die püchsen schützen/vnnd nach den püchsen
schützen/hat man getragen den Anthoni de Lena/ in
einem prauen samatin sessel/vnnd seind die andern
knecht all mitt spießen auff in gezogen/vnnd die xiiij.
fenlin in drey glide auff einander/Dise knecht seind
vast wol erpuzet gewesen/Aber wie es xiiij. fenlein
seind gewest/so seind es doch vber drey tausent lang
knecht nit. Auff das teutsch volck seind gezogen/ groß
Herren in lautter küris/mit jren Barschen/vnnd rōck
von guldin stucken/yetlicher ein fannen vorgefūret /
ein ganz guldin/Darinn eyn schwarzer Adler/ Der
ander fannen ist ganz weys/Damasckt gewest/dar-
inn ein rott Creutz/Das ist der kirchen fannen/den in
der Bapst gibt/auff die ist nachmals der Kaisig zeug
gezogen. Erstlich Marsingnor de Kens/mit einem
hauffen bis in Drey hundert küris/all in plaw/gelb/
rott reyter rōck gekleidt/Auch seind darnach die Spa-
nischen Herren/mit jren Kayfigen/auffs aller köst-
lichest/all in seyden gekleidt/vnnd bey Vierhundert
küriser mit jren Barsen/all in gulden vnd silberin stu-
cken gekleidt/Auff die selben ist gezogen Kay. May.
mit Edle knabē/der seind fünff vñ zweinzig gewesen

in gelb Samatin röcken/auff schönen Janeten /vnd
darunder ettlich mytt Guldin Barsen/ vnnnd köstlich
schönn Federbuschenn/vnnnd geschmucket. Nach-
uolgend aber etlich Spanischer herzen/auff das aller
köstlicheß/in eytel guldin stucken/vñ voller harnisch
vnnnd guldin Barsen/all ihrer Janeten / Auff die sel-
ben Kay. May. Trabanten/der seynd Sechshun-
dert gewest all in gelben klaidern/mit prau vñ grau
verpreußt/Darunder die Kay. May. geritten/vñ
der einẽ guldin Himel/auff einem weysen hengst/
auff das schönest/mit einem guldin Byß/vnd guldin
fornament / auch guldin stegreyß/ auch Kay. May.
inn einem ganz türis/darob ein guldin wappentock
an/doch das pferd mit kainer Barsen bedeckt/Vnnnd
vor seiner May. ist geritten seiner May. Marschalk
mit einem plossen schwerdt/vnnnd neben Kay. May.
seind gelauffen Fünff vnd zwainzig jung Edelleüt/
von Boloniga/vñ guldin leybrock/mit weyssem At-
las vberzogen/vnd darob zerschnitten/vnd rott Sa-
matin hosen/mit rott kermesin wames von Atlas ze:
Auff die Kay. May: Ist nachuolgendt geritten der
Graff von Nassaw/in vollem türis/mit einer guldin
Barsen/vnd guldin Leibrock/Auff in aber vil herzen
all inn ganzen türisen /Auff die selbgen Kay. May.
bey Hundert türisen inn gelb Samatin röcken/Auff
die selben des Graffen von Nassaw Schwadiar/
bey Achtzig türiser/in schwarz geklaidt/Vnnnd nach-
mals vil schöner Schwadiar /ihr allwege Hundert
türiser/auch yeder Schwadiar jr aygen Liberey/In
summa das alles gemelte Kay.sigs zeugs bis in Zwain-

zigtausent fast wol gerüst seindt gewesen: Nach
allen disen pferden ist gezogen sechs fänlin Spanier
welche sechs fenlin Kay. May. mit im vber hat pra-
cht/den merer tail als püchsen schützen mit gelben ho-
sen/doch ganz grosse fenlin/vñ vnder disen sechs fen-
lin seind mit vnd Dreytausent knecht spanier gewest.

Als die geringen pferd sampt dem geschütz vnd den
Teutschen knechttten/so vnder dem Anthoni de Leua
seind/auff den platz für den Palast komen seindt/ Da
hat sich der Bapst mit grosser köstlichkeit auß dem Pa-
last/auff ain sessel lassen tragen/seind im vorgezogen
Erstlich sein Offitiales / zñ füsse/Nachmals all seyn
Imbasatori vñnd die xxv. Cardinal/Darnach der
Bapst getragen/wie obsteet/auff ein stellung/so auf
der stiegen sanct Patroni kirchen/Darzñ wurde auff
gericht worden/vñnd da hinein der Bapst auff einen
sessel lassen setzen/vñ seine Cardinal/auch Imbassa-
tori vñnd Offitiales/vmb in gestanden seind /seyner
Guarda/Vñ als die Kay. May. vnder des thor S.
Felix genant/ist komen/da ward im vnser Herz am
Creüz fürgehalten/den kusst sein May. Dar auff
ward aufgeworffen vil gelts eittel Ducaten vñ kro-
nen/vnd dopell Ducaten/das werffen weret lenger/
dann ein halbe stund/mit eittel gold / Nachmals inn
der ganzē statt/warff man gelt auß eitel münz/auch
etlich kronen in golde/das man scherzet/ob Drey tau-
sent Ducaten sey aufgeworffen worden/vñ als Kei.
May. auff den platz came/bis zñ der stiegen/ist sein
May. von dem pferd abgestanden/sampt dem Graf-
fen von Nassaw/vnd etlich ander Herrn/vnd ist also

sampt dem selben vñ seiner May. Guardian vnder dem guldin himel / hinauff auff die vorgemelten Stellung / gangen / vnd als er hinauff kommen ist / da ist der Babst auff gestanden / vnd sich drey mal gegen seiner May. gnaigt / vñ als sein May. zu dem Babst hinzü ist komē / ist er auff beide knie gefallen / vnd dem Babst seine füß küßt / vnd Nachmals auff gestanden vñnd ihm die heend küßt / vñnd Nachmals an die Backen. Nachmals ist er wider auff des Bapsts gerechte seytē knieget vnd also kniegt bliben / biß die andern herren all jm die füß küßt habē / auch also kniet / hat Kay. May. zum Bapst gesagt / heiliger vatter ich bin bey ewer heiligkeit / da ich mich langzeit auff gefrewt hab Erbeut mich ein / der Vätter / des Christlichen glaubens / vnd meine werck sollen mer frucht bringen / als meine wort / Söllich hat er in Latein zum Babst geredt / also ist der Babst auff gestanden / vnd sein Kay. May. drey mal küßt an sein May. Backen / vñnd gesagt / Kay. May. Ich beger gnad / vñ gib mich schuldig / hatt auch den Kaiser gepeten / solß ihm nicht veruñbel haben / das er im die füß hat lassen küssen / vnd gesagt / es sey nit sein wil gewesen / aber die Ceremonien wöllens also habenn / wann ein Keyser die kron holt / also haben sye weltlich an ein ander Empfangen.

Vnd hat der Babst Kay. May. bey seiner gerechten hand ab dem gestül gefürt / biß auff die stieg / ist nachmals der Babst in Palast getragen worden vnd Kay. May. ist von Sant Patroni gangenn / inn die kirchen vnd Sant Patronis kopff küßt / vnd wyderumb mit seinen herren zü füß in Palast gangen / da wa

ren seer vil trummetter vnd pusaunen/vnd zincken/also
sein der Jungst tag.

Auch wa Kay. May: geritten oder gangen ist / da
hat jungs vnd altts/ Reich vnd Arm/ alles für vnnnd
für mit heller lautter stim geschryen / Vno Imperio
per mare et per terra/ ainn sollich geschray ward/ das
manche man vnd frawen vor streuden die liechten ze
her wainten/ vnd mit wainenden augen geschrienn/
Fürwar ein kostlich Ernstlicher einzug ist gewesen/
Ist auch Kay. May. für vnnnd für frölich/vnnnd mit
lachendem mund eingerittenn / Auch da sein May.
vor dem Babst kniet/war er ganz frölich/vnd gütter
ding/Schencckt auch dem Babst ein guldin Seckell/
darinn eittel guldin Medaia/mit Kay. May. haupt
auch des Ferdinandus haupt/vnnnd annder hüpschs
Medaia/als mit einnander geschezet / auff die vier
tausent ducaten in gold/Nachmals wie Kay. May.
im Palast gewesen/ist yhm Palast das groß geschos
ab gangen/zü sampt etlich vil mörser/vnd in die drey
tausent ganz vnd halb hacken/auch mit vier grossen
freunden sewr/auff dem Palast/auch mit allen glockē
geleut/so in der gangen stat warn/Nachmals ist ye
derman zü hauszogen/vnd Kay. May. geschos/ist
mitten ob dem platz glibenn/gegenn dem palast/ mit
einem fenlin knecht/steen für vnd für dar

Am sechsten tag ist Kay. May. den ganzenn tag
mit dem Babst in Rätten gessen/vñ auff sibendē des
Monats ist sein May: dergleichen / den halbenn tag
zū Rat gessen/vnd da Beschlossen/das die krönnung
sol alda verpracht werden.

1. The first part of the paper is devoted to a general
discussion of the problem. It is shown that the
problem is of great importance in the theory of
differential equations. The problem is to find the
general solution of the differential equation
$$y'' + p(x)y' + q(x)y = r(x)$$

where $p(x)$, $q(x)$ and $r(x)$ are functions of x .
The general solution of this equation can be found
by the method of variation of parameters. The
method consists in assuming a particular solution
of the form
$$y = u(x)y_1(x) + v(x)y_2(x)$$

where $y_1(x)$ and $y_2(x)$ are two linearly
independent solutions of the homogeneous equation
$$y'' + p(x)y' + q(x)y = 0$$

and $u(x)$ and $v(x)$ are functions to be
determined. The method of variation of
parameters leads to a system of two linear
equations for $u(x)$ and $v(x)$. The solution
of this system gives the particular solution
of the inhomogeneous equation. The general
solution of the inhomogeneous equation is then
the sum of the particular solution and the
general solution of the homogeneous equation.

perlt

(F)

31. X. 2000

ocle.

Flugschiffen der

Fliegen 16. Juli 1907

WISC

A⁴

64

2

2014

300

